

尹文端公詩集

尹文端公詩集卷第五

章佳尹繼善元

丙子春奉使杭州初至西湖次劉繩菴少司農韻  
人家半住碧峯外面面湖光入闌闌  
我來借住湖山上  
烟雨迷茫雲變隼一池淺水傍荒亭  
暫息俗緣滌塵穢  
偷閒鼓興泛平湖萬頃波澄恣遠眺  
喜逢良友共招攜  
時有珠璣出唾欬打槳先過處士墳  
尋芳不用元戎隊  
眼前景物盡天然何藉人工施藻績  
柳隔紅橋何旖旎  
寺帶斜陽各向背猗猗綠竹引躋攀  
泚泚流泉沁心肺

老僧指點白雲中南北高峯兩相配古來題詠自縱橫  
應讓

天章得三昧四時不住喚遊人隨風來去輕舟載嗟予  
白髮步蹒跚一任花神笑襴襪昔賢往矣不可追剩有  
長堤猶宛在漫教明月促歸帆勝地聯吟恐難再

三至湖上繩菴因恙未行詩以嘲之仍用前韻

連日俱從湖上返帶得清風滿闌闌惜君今夕作卧遊  
夢裏依然雲鬢鬢我生癖性愛山水暫借餘閒解形穢  
况有五里十里花且落且開共盼睽更取新詩出袖中

展讀恍如聆謦欬長堤不得並轡行小艇自逐魚鷗隊  
路入雲林別有天不似人間施雕績老樹幾枝蟠石罅  
百千洞穴穿山背泉流汨汨冷侵人似為凡人洗心肺  
高峯果否是飛來江左樓霞差匹配纔知物外有奇觀  
莫問何年開草昧風寒日暮有所思惆悵無人酒共載  
不探絕勝即空回恐被山靈嗤褊褊逝者如斯未可留  
眼前且喜春還在倘能鼓興約同遊福地寧辭來至再  
送繩菴還京仍用前韵

湖山豈能留我輩歸途暫許還鄉闕

繩菴請假歸家省墓曉夜時

存戀

關心遙望燕雲生，  
黻黷攜得清風滿袖中。  
征衫漫令沾塵穢，  
三春好景入新詩。  
一路閒花供遠睎，  
此日分歧浙水頭。  
握手何年聆謦欬，  
柳外初聞黃鳥鳴。  
夢中早列鸛鷺隊，  
行到菜畦麥隴間。  
景物田家勝綵績，  
相思回首定依依。  
半在斜陽山向背，  
羨君霽月比襟懷。  
愛君白雪照肝肺，  
况是蓬瀛閬苑仙。  
風塵俗吏焉能配，  
惟有相期古處敦。  
一點初心總難昧，  
我將返棹向吳門。  
孤燈夜雨扁舟載，  
澤邊鴻雁尚哀嗷。  
敢戀煙霞類襴襜，  
童叟爭傳

天使回入告嘉謨定有在

九重清問念東南好將民瘼言之再

過訪齊次風即用劉繩菴韻留別

湖上初晴正好春春光易去肯逡巡  
偷閒共訪蓬萊客過盡梅花始見人

萬頃平波望不窮六橋柳嫩拂斜風  
也知光景青年好

鮐背空慚是老翁

次風詩有海內名山若舉  
似此正青年彼鮐背句

看山笑我興偏豪露濕行旌草映袍  
那似君閒多逸趣長吟坐對雨峯高

聞傍名山別有家

次風家住天台

林園半在水之涯他年若問

天台路結伴劉郎定不差

送別繩菴仍用前韻

轉眼韶光欲暮春驪歌一曲酒三巡誰能帶得湖山去  
寫入新詩好贈人

問柳尋花興未窮歸途此日正和風停車倘遇登臨處  
可憶同遊白髮翁

榮歸自古最稱豪童叟爭迎羨錦袍

繩菴回京詔許歸家省墓

猶

記讀書官舍否望山亭畔碧梧高

十里雲林勝畫家惜君咫尺似天涯  
燕臺倘作遊山夢路繞蘇堤記莫差

雲林山峯絕勝  
繩卷欲遊未果

用前韻留別西湖

飛花點點近殘春懶向湖邊酒數巡  
此日客從堤外去憑他風景屬何人

回首烟波望不窮還因送客起微風  
沙頭鷗鷺頻來往愧未忘機似海翁

雪鬢鬢髮氣尚豪任教細雨洒征袍  
逢人若問餘杭勝終讓孤山遺躅高



暫住湖山豈是家分攜轉眼各天涯前途儘有尋芳興  
恐遇迷津路又差

寓寒山舊廬和張文端公題壁韻留贈芑洲主人  
誰料停車住石邛春風日日引遨游池添綠水環層壁  
山帶斜峯映小樓掃徑花飛迎客至捲簾月上聽江流  
忙中不減探幽興況有林園足解愁

收取湖山入小邱何年傳是鳳來遊

地名來鳳岡

題詩好傍

千尋石得景還憑四面樓鳥自穿林啼暮雨人將返棹  
溯春流他時白下懷清境一望蒼茫動遠愁

舟次嘉興過訪錢香樹和見贈韻

一棹輕帆欲入吳，喜逢杖履走相呼。花殘小院傾離酒，

詩詠燕臺憶舊圖。

錄示舊作內有和留  
松齋題小樓圖詩

有夢還應依

鳳闕，閒居好在傍鴛湖。漫愁麥隴甘霖晚，

麥田正  
在望雨

佇見

春收徧海隅。

和婁毓青新構書齋自題韻

欲避塵囂謝左車，西園小築樂何如。知君有夢常歸里，  
笑我無緣一造廬。江上烟霞何日句，壁間題詠幾人書。  
他年倘過山陰路，好向林泉問所居。

河干鹿鹿未停車物外清閒愧不如聞傍幽林花作徑  
近添別墅草為廬歸時誰與吟風月老去應還厭簿書  
不繫舟邊秋正好可能彷彿似村居

陳光岳索題新齋用前韻賦贈

記向城隅一駐車閒庭景象近何如披圖每為營新築  
時代經營  
各名勝回首應還憶舊廬萱草時牽遊子夢鴻泥聊  
補故人書吳門他日重相訪綠樹陰濃傍水居

月夜話舊再贈光岳

長歌豈為嘆無車聚散何心總自如對月時橫高士榻

看山同憇老僧廬蓮池花謝尋遺蹟

二十年前曾與光岳外舅王卓人聯

吟池上

客館峯寒認舊書

光岳下榻處題五峯客館

不是情難忘久約

年來早已賦閒居

光岳和詩有甘霖無地不隨車之句愧答一首

幾番巡歷問舟車每憶前賢謝不如農事關心惟暑雨  
勞人有夢亦田廬山川已見歸圖畫時繪名勝各圖疾苦還期  
入

奏書盼到秋成猶有待茅簷未必盡安居

寄贈孫柳邨

幾載離家未返車  
邇來意興復何如  
彩雲散後添新雨  
柳邨有悼故姬詩甚悽切聞又續得麗人  
秋水平時換故廬  
昨歲舊宅為淮水漂蕩復易新  
居感舊多情頻灑淚  
聞鄂虛亭殉節哭之累日  
看山得句不停書  
共推景物江南好  
底事他鄉數徙居

寄贈陶景揚

袁江未得共征車  
兩月衙齋應自如  
夜月定添思友句  
家山可憶看花廬  
欲醫俗病求良藥  
景揚精於醫理  
聊寄新詩代尺書  
若問行踪何處所  
停驂多傍野人居

感懷

南北東西遍使車年來意緒復何如名山到處皆行部

遼海於今剩敝廬目斷松楸清夜淚

先塋遠在錦川

情關桂玉

故人書

都門親友有書告助

漫言持節更番好不繫舟邊總暫居

丙子秋駐節清江借寓毓峯白公舊館留連踰月

追溯昔遊猶記與毓峯相對時風景忽忽三十年  
矣夜闌剪燭依約夢中感物懷人不能自己因用  
同人倡和韻疊成二章奉寄

門臨野岸記停車花柳猶前色不如過客重來棲別館  
清流空自繞村廬追尋往事頻添夢敘到離情反怕書

老去知君多雅興，深秋燕寢可寧居。

驅馳自昔藉南車，歷遍風塵意坦如。  
白髮相思惟舊雨，長堤小憩半茅廬。  
冠搖翠羽增新寵，壁耀龍光拜

賜書

鍾峯蒙  
翎並

賜御詩  
賞孔雀

共沐

恩波難報稱，此身何日敢安居。

秋日同介受茲沈，歸愚兩宗伯莊容可中丞游攝。

山棲霞寺次沈宗伯韻

憶昔年少時，閒游皆童冠。  
自泛不繫舟，望山每生羨。  
江上有棲霞，青峰插雲漢。  
羅列衆山低，相形似稚艸。  
梵宮

建何代圖籍還可按昨歲一登臨夢魂常戀戀春日與  
秋光幾回來禪院眺遠上高樓探幽憇古觀景物盡天  
成人力誰能辨

杳靄入蒼烟紆盤行仄徑借勢起層臺向背分斜正經  
畫愧無能寸心惟一敬何煩穿鑿工物在順其性庶民  
効子來額手交歡慶共擬圉治靈更比卷阿勝草木各  
向榮欣欣若仰

聖迴廊曲可巡虛窻敞可凭鳥韻與鐘聲到處引清聽  
北有疊浪崖崖邊多怪石體態各爭奇磷磷復峇峇大



者直千尋小者僅盈尺穴罅似雕鏤玲瓏疑裂圻恰好  
抱方亭如屏又如帟行近天開巖峻嶒聳翠壁分列六  
朝松其數更不億松下共盤桓主賓皆過客萬壑起濤  
聲塵機覺暫息罔巒無盡頭何處尋來脉

石洞得仙源相傳見白鹿

昔有人見白鹿於此因以名泉

小憇憶從前

細流聲瀝瀝急為疏泥淤涓涓出幽谷當階自澄泓遶  
澗互滌汰誰知一勺水飛奔成新瀑觀玩有所思回顧  
語童僕自古稱醴泉洵是

聖人福山房細雨中逸韻添箏筑

泉流繞春  
雨山房

遙指最高峯入踏白雲上恍遊蓬島來鼓興共欣賞倚  
闌望大江波濤何決潏歷歷白下山滾滾黃天蕩遠帆  
駛如飛日夕頻來往臨風一長嘯空谷皆應響凜乎不  
可留陰晴無定象此景記須清他時恐夢想

流水本無心行雲復何事機巧總徒然天公善布置面  
目各有真隨宜施塗墍躋攀興未闌明月促歸騎畝盈  
新稻梁池冷殘荷菱回首望諸峯隱躍在天際岐路悵  
分攜行踪感同異佳勝宇內多茲山恐難儷待從  
土輦來陽春景更麗

初冬遊攝山和曹西有韻

落葉蕭蕭拂面飛探幽古寺趁斜暉山連白下來冰遠  
境隔紅塵到却稀猶剩殘花迎畫戟為尋絕壁攝行衣  
炊烟已散鐘聲晚目送寒鴉塔上歸

一回眺覽一回新珥筆從遊憶暮春別後松杉常入夢  
重來魚鳥更相親楓林已負霜前景

深秋擬游未果

紫閣今為

畫裏身漫感星移同物換追陪還是舊時人

屈指三年數往還此間誰說是人間德雲樓對巖千疊  
春雨橋通水一灣故蹟迷茫僧紹宅遙青隱現秣陵山

河干半載風塵客，淨土能容片刻閒。

珍珠泉外是誰家？為愛清幽小駐車。  
偶向禪房尋舊句，還煎活水試新茶。  
蒼松獨占千年石，紅葉終輸二月花。  
好景最宜三五夜，待看素影透窗紗。

暫息塵緣似脫絳，錦箋遙寄約良朋。  
詩裁好句應酬我，路遇迷津可問僧。  
法界橫空多雁影，寒江隔岸有漁燈。  
登臨到處皆堪賞，莫羨凌雲最上層。

新穀纔收麥又生，沿途天氣正清明。  
峯留過客餘殘照，鳥送行人弄好聲。  
清景逢時雙眼豁，歸鞭響處四蹄輕。

村農接見尋常慣小隊傳呼總不驚

丙子冬奉

命入覲隨忠勇公後遍歷香山昆明諸勝時將南旋承  
賦詩贈別因次元韻

轉眼陽和正好春江花江草迓

時巡當朝歡得逢元凱舉念難忘郅屋民

共羨勲名邁等倫相逢幾閱歲時新十年公輔頭還黑  
把臂慚為白髮人

喜隨豹尾侍仙班蓬島瀛洲得往還漫數江南好名勝

別開生面有湖山

門對清溪相府開時從雲外見樓臺憶登畫舫飛觴後  
曾繞平橋步月來

小閣凝香興欲留公餘燕寢足風流誰知問夜難安寢  
每聽雞鳴著錦裘

名園在望未躋攀一曲驪歌又欲還別後相思回首處  
白雲衝馬度寒關

過忠勇公第卽事

平泉花木

苑東偏誰識人間別有天喜自側身蓬島境尋公得傍  
五雲邊

公餘退食暫相攜散步高齋日影低不是前途頻指引  
迴廊曲檻路常迷

參差畫棟接飛霞翠閣凝香護絳紗悟得行雲流水意  
湧將游戲當繁華

殷勤欵洽笑顏開竹徑松陰數往迴佳景不須重點綴  
無多暇日看樓臺

面面軒窓景自殊偶憑粲者寄清娛金釵十二人何處

列屋新粧只畫圖

石畔琅玕纔个个  
堦前桂樹幾枝枝  
佇看牙笏床頭滿  
不待汾陽髮白時

同德堂開翰墨香  
銀鈎奕奕燦

天章午橋賓從題  
將遍我亦塗鴉雜  
數行

名園雨霽柳毵毵  
記坐方亭酒半酣  
未得重遊勞夢想  
紅欄曲水似江南

鼎鐘勝概近何如  
高曠襟懷澹若無  
更有幽居探未了  
偷閒可許復招呼



勞人片刻喜追陪  
鞭指江關悵獨回  
江上梅花谿上柳  
春山如畫待公來

贈相國來公

侍直

金門喜暫同  
恍如鎮日坐春風  
一輪元氣三朝福  
盡在從容笑語中

不次

恩榮逐歲新  
耆英重望更何人  
爭看矍鑠還陪乘  
天語時時問老臣

禁闥更寒月上時公餘退食每遲遲  
生來天性親風雅  
剪燭欣同論古詩

烟水吳門憶舊遊卅年鳬

蹕幾停留南邦人倘看風采元老當初久白頭

恭和

御製聽雪閣元韻

高松列峯顛細泉鳴澗底蒼翠既滿目  
琤淙時到耳  
奎章標聽雪景物聚清美六載協時巡  
翠華重蒞止茂對俯層軒

天顏知有喜好雨潤青疇播穀從此始一豫復一遊謳  
謠聲未已

恭和

御製綠雲樓元韻

高樓百尺靄層陰隱士遺踪傍水尋時雨乍晴春正好  
和風暖拂

駕初臨巉巖古塔參差見翠柳嬌桃次第吟縱際年豐  
民樂日憂勞未釋

聖人心

恭和

御製戲題空谷元韻

昔年頻訪幽人迹  
公暇曾為空谷遊  
泉好未能酬麗句  
花明直欲笑行驕  
春來扈

蹕晴雲擁巖畔題詩

御墨留

聖世闢門無隱逸  
深山猶聽足音不

恭和

御製寒山別墅元韻

看山不辭遠攬勝窮其支策馬向寒山停鞭一問之庭  
宇幽且靜水石清而奇

天仗乘春來登臨起遐思山梅解留  
輦芳香發疎枝憶昔卷阿篇遊歌未若斯

恭和

御製再遊寒山別墅元韻

烟巖新霽豁春陰扈

蹕咸傾向日心為有幽人曾卜築却迴

仙仗屢追尋飛花似奏平成舞響雪如聽解阜琴愛喜

磨崖留

睿藻憑將翰墨鎮雲林

恭和

御製香阜寺元韻

沿堤膏雨潤甘棠雲際重瞻

翠蓋揚十里江城鄰古寺一川春水接平岡衢謠盡戴  
恩膏溥

聖訓猶虞物力傷共喜

六飛臨幸處清塵東作不相妨

恭和

御製白雲泉再疊白樂天元韻

雨後峯頭響細泉  
停驂暫對白雲閒  
娛情別有心通處  
不在山間與水間

恭和

御製千尺雪襍詠元韻

泉落當窻見潑洄  
別澗通

宸遊頻坐詠清響  
出芳叢

飛來太古雪有本  
如是耳觀水得原  
泉衆流應俯視

晴雲濕飛翠霧雨滴空青欲聽一溪雪還尋个字亭  
巖松青鬱鬱澗石白皚皚花態如含笑都迎  
翠輦來

恭和

御製芙蓉泉元韻

好峯以花比泉亦有同稱只在得其意不在肖其形流  
泉若有知應與世人爭本是松竹侶何因標此名

恭和

御製遊高義園元韻



側聞范公園嘉名

錫高義

驚旂重蒞止是處雲霞媚緬懷經世界歷歷皆堪記憂  
樂繫天下而有敦本志遺笏猶在山傳書尚存笥夙夜  
常景行步趨弗敢恣更讀

宸遊詩因風托遙寄

恭和

御製遊攝山棲霞寺元韻

宦跡遍天涯名山孰為冠點筆誌勝遊昔人每增叢棲

霞夙仰止譬若瞻霄漢牛首共雞鳴環列似幼升千巖  
萬壑中舊跡皆可按空青浮欲滴白雲出猶戀塔影挂  
懸崖茅廬結深院苔堯峙江干秀蔚歸靜觀藜杖與芒  
鞋也學老僧辨

公務有餘閒時尋松竹徑谿壑窈以深體孰奇而正一  
自建

離宮生愛復生敬好鳥與飛花點染皆天性幸奉  
屬車塵永為山林慶縱目大江南不數諸名勝藉以供  
宸遊更願娛

慈聖三吳指顧間曲檻週可凭處處居民依

天語茅簷聽

迤邐六七里四面環峭石步步入烟霞層層見岑峯卓  
然踞其巔置身高百尺敢為人工巧還疑鬼斧坼古松  
為翠蓋青蘿作繡帟昔年崇象教諸佛攢絕壁恍似西  
方來變化千萬億靜看下界人碌碌往來客韶光去不  
留閒雲飛不息何處溯華陽仙洞尋靈脉

相傳有石洞  
可通華山尋

之不  
見

白乳舊名泉呈祥推白鹿茶可傍石煎酒或脫巾漉薄

暮風雨來淙淙應空谷遙峯互掩映幽澗數洄洑環流  
行殿前匹練走飛瀑端知

聖化昌景命洵有僕食德而飲和蒼生同受福  
遊豫聆清音較勝調笙筑

遠景辨依稀層巒拾級上尋幽復探奇隨在邀

宸賞烟樹色蒼蒼江濤勢潏潏眼底盡田廬風光何澹  
蕩

輦過百花中香雲自來往峯回路轉時梵鐘送清響絕  
頂任躋攀空明羅萬象仙境擬蓬萊飄然塵外想

稽古重

時巡補助無非事惟此災後民

宸衷念不置疊施雨露

恩閭閻得攸堅歡笑繞行鞭拜舞隨

龍騎景物入

天章梅柳及荷芰觀海難為水浩瀚望無際寰宇躋雍  
熙山川效靈異緬維古百王後先罕能儼矢音賡卷阿  
美物歌魚麗

恭和

御製駐蹕棲霞行宮元韻

有寺傍巖西高人舊此棲萬松依嶂古疊石接雲齊  
浪供

遊覽江聲入品題為民時問夜喜見曙光霽

雨後山凝黛遙看霧氣藏幽篁羅繡帟飛瀑響雲琅  
宸訓惟無逸

天行本自強矢音歌泮渙才拙未能當

恭和

御製萬松山房元韻

數間結構傍僧房，仄徑穿林趣曙光。  
老樹頻沾新雨翠，空亭恰受曉風涼。  
遙青到眼峯如黛，嫩綠連雲麥有芒。  
最是

宸遊心賞處，千村婦子慶時暘。

恭和

御製幽居菴元韻

一邱復一壑，舊是野人居。  
嘯竹能迎客，鳴泉似起予。  
晝長閒院落，雲度入窓疏。  
喜值新晴後，

鑾輿小駐初。

恭和

御製九株松元韻

老幹盤挐喜向陽  
飽沾雨露更青蒼  
托根得傍三三徑  
不數人間百景昌

恭和

御製玉冠峯元韻

雅俗由來分彼此  
石峯紗帽原難比  
不知何代浪傳名  
塵世評論豈至理  
幾回攀躋步山腰  
絕頂穿雲入望遙  
一自嘉名錫



宸翰朗朗似玉人堪招層巒聳秀勢峻嶒玉女天冠堪  
並稱螺髻翠峰環左右縱目收之美不勝品題實同化  
工妙豈同人力誇精能

恭和

御製登最高峯望江放歌元韻

曉嵐萬疊連雲鬪不羨靈臺歌靈囿摠衣直上那知勞  
頓覺置身霄漢高羣峰雨後淨如洗彷彿芙蓉初破苞  
俯視東南飛匹練長江一綫翻銀潮遙指秦淮舊時里  
烏衣門巷多傾圯燕子斜陽自去來落花滿地春歸矣

須臾浩浩生天風太虛直接開心胸萬頃波濤浮烟靄  
江豚鼓浪聲鏗鏘

仙仗登臨一題咏欣教草木迎山龍第見一遊復一豫  
寄情似在山水中誰知占晴復課雨

聖人心似村中農

恭和

御製遊觀音山永濟寺元韻

不識何朝寺常依自在天香雲來佛國花雨到農田翠  
柏穿峯老禪燈隔水燃濤聲斜照裏帆影自年年

和夢午堂少司空贈別元韻

藥籠自昔貯菁英

曹來殷趙升之嚴東有並公視學江南時特賞之士

一別河干

歲幾更示我襟期何磊落知君心地最和平班隨

禁闥叅邊計曲唱陽春傍

玉旌握手無多分手速寒雲斜日總離情

三旬侍直得追攀笑語常餘片刻閒駕馬驅馳心未懶

瑤階進退禮誰嫺歸鞍時帶更深月珥筆同登水上山

去後不教雲樹隔夢魂千里自相關

彭城重晤午堂少司空將有勘河之行用前韻奉

贈

山城何幸集羣英  
白髮偏嗟歲月更  
使節南來棠蔭滿  
長橋西望水波平  
蘆溝曉月頻牽夢  
荆口斜陽暫駐旌  
喜得風塵重握手  
挑燈話舊有餘情

人似高松却可攀  
片時笑語自清閒  
臨流問渡舟同濟  
隔水穿楊技更嫻  
去馬將嘶堤畔柳  
離歌又唱雨中山  
遙知野店經行處  
多少柴門曉尚關

將返金陵留別午堂少司空仍用前韻

憶昨揮毫對落英  
又逢剪燭話深更  
交如鑑水偏宜澹

詩似看山不喜平千里江帆迴遠櫂幾行堤柳颺文旌  
石城夜雨彭城月兩地相思一樣情

策馬雲龍喜共攀才高詎許片時閒疏排積滓勞公住

公奉命分保障頻年愧我嫻流水有聲環古堞夕

陽無語下空山

聖人總為蒼生計臣職均應痛癢關

雨中同午堂少司空並同事諸公荆山橋勘河未  
得成咏於宿遷道中補作寄懷

疏排畫策仗賢英自昔滄桑屢變更桃汎消時青草短

黃流過處積沙平風催細雨添新水柳枕長橋拂去旌  
疏築關心成往事湖光回望不勝情

翠葦晴齋記共攀忙人空羨白雲閒舟行曲港牽仍緩  
馬苦長途老未嫻入水銜泥人似燕迴瀾築灞土成山  
補吟短句遙相寄一棹隨風晚度關

舟過金山偶憶午堂舊贈有目斷金焦尚夢山之  
句口占二首寄懷

纔見花開又落英金焦景亦逐時更青峯到眼人偏遠  
驟雨驚心浪未平却笑征帆皆過客枉教離緒似懸旌

重吟舊句添新句兩地應同日暮情

千里睽違不可攀邇來况味自清閒匠心獨運詩彌老  
正鵠能求射更嫻得月何須都近水看雲隨處一登山  
知君此夜停驂處枕夢應還到遠關

時近秣陵關

奉和午堂少司農重過袁浦卽事韻

玉節巡行夾道呼曉驂雪壓錦糢糊經營何敢餘臣力  
饑溺終難慰

帝吁

聖世推恩民若子飛鴻含哺母將雛停鞭竚望長吟處

歌頌還聽野老喁

疏鑿重經淮海東  
迂踈愧亦佐司空  
彭城匹馬衝寒月  
素浦輕帆挂朔風  
白髮同舟應笑我  
黑頭奉使首推公  
驅馳那得常攜手  
南北分飛類轉蓬

似燕銜泥適水隈  
觀成不待羽書催  
迴瀾底績伊誰任  
斲雪敲冰亦孔哀  
四海為霖期異日  
中流作楫倚長才  
挑燈相對還相勗  
一點初心未忍灰

陽春欲轉漸晴和  
目送行雲遠度河  
搦管歌吟忙處減  
停杯悵快老來多

時話舊有感

莫辭月夜頻相訪  
待有梅花



可暇過且喜扁舟停泊穩西風曾不起微波

同午堂少司農客館坐談仍疊前韻次日有徐州之行兼以送別

又向西窓把臂呼如駒過隙影模糊青春猶憶拈花笑  
白髮誰憐對鏡吁愧以駑駘隨驥尾敢將凡鳥比鸛雛

午堂贈詩有公子  
多才有父風句

不嫌坐久官齋冷此也歌于彼唱喁

浮雲無定任西東散去依然眼界空詩格清超才子句  
襟懷磊落古人風心勞疏瀹猷方壯頌滿江南論最公  
看上黃樓最高處肯教意緒類霜蓬

招攜日日傍河隈，不覺光陰暗裏催。  
回首自慚還自省，隨緣生喜莫生哀。  
言能益我惟良友，事必驚人豈異才。  
欲識浮生如轉瞬，試看爐火已成灰。

解凍流澌氣漸和，送君走馬渡清河。  
漫嗟雅會年前少，佇見陽春道上多。  
南浦驪歌三疊唱，長橋使節幾番過。  
時順道勘荆山橋待開草閣重攜手，嫩柳應看拂綠波。

午堂少司農自徐返浦，船窗小集出道中。  
度歲詩見示，依韻和之。

騷壇旗鼓漫相譁，此日誰能勝八叉。  
製錦雄才推倚馬，

凌雲健筆擬驚蛇暫離亦有詩懷友久客翻無句憶家  
最羨長途吟嘯處兒童簇簇擁行車

曾共鵷班憶

帝京年來聚散總闕情一肩國事咨謀切兩眼韶華次

第更

前歲入都與午堂司農同  
值西清忽忽又二年矣

野店雞聲殘月冷西風

雁影暮雲橫蕭條河畔停驂日知去荆山第幾程

侵晨臥聽曉鐘疏我亦蓬窓度歲除舊雨時勞千里夢  
新年喜接數行書郵亭來去頻攀柳春水將行可兼魚  
又上扁舟同笑語紅梅片片逐輕裾

事到垂成心倍寅相期夙夜共忘辛  
琴彈古調高難和  
蕉比交情久更親  
凍草纔消隔歲雪  
寒條已洩渡江春  
伊誰不是花前客  
轉笑更番作主人

送午堂少司農還都門仍用前韻

卧轍遙聞父老呼  
茫茫前路景模糊  
原知世事都如幻  
無那勞人共一吁  
別後怕聽鶯喚友  
歸時好羨鳳將雛  
獨憐落日舟橫處  
野渡無人向夜隅

萍踪散後各西東  
去去征塵望眼空  
民瘼幾番登  
奏草歸鞭一路咏  
春風湖山有夢應  
回首夙夜何人共

在公膏沐重添明鏡裏從今不再賦飛蓬

我尚遲留傍水隈船窓殘漏雨聲催斟來別酒心先醉  
唱到驪歌調總哀遠道蹣跚嗟無力天衢馳騁羨雄才  
燕臺舊友如相憶為道尋芳興未灰

冰雪全消景漸和甘棠留蔭遍江河遠歸更覺新春好  
暫別還期後會多異地音書應屢寄南邦節鉞可重過  
遙思太液池邊柳搖曳晴光映碧波

送別午堂少司農仍用道中度歲韻

笑語時聞夜半譁忽從岐路感三義行旌欲去如歸鳥

短句重添類畫蛇何計留賓惟勸酒無端送客亦思家  
縱云不戀南邦景也有江雲載滿車

翩翩車騎返

神京南浦魂銷舊侶情分袂還酬詩數首挑燈共話月  
三更江梅雪壑寒香遠岸柳雲低碧水橫快聚從來原  
偶爾明朝何處問行程

曙色瞳矐映綺疏離懷又嘆歲云除眼前總似春前夢  
白下猶望日下書

上苑花深還舊燕

彤廷宴樂咏嘉魚  
佇看退食從容後  
仍有爐香帶滿裾  
同心一載忝同寅  
任重何知計苦辛  
已頌

恩波流遠邇  
喜看童叟識尊親  
當筵把酒餘殘照  
屈指停驂正暮春  
為雨為霖勞拭目  
蒼生屬望在何人

### 疊前韻

聽罷驅歌靜不譁  
揚鑣偏感道相義  
聲華久識清時鳳  
咳唾寧誇醉後虵

杜預每醉吐人望如虵

出岫雲將還五嶽  
先春

雨已渥千家  
村農共有攀轅意  
一路壺漿繞去車

廿載秦淮感舊京  
萍踪離合每關情  
青雲應羨征鴻遠

白髮頻嗟歲序更驛路風和春樹繞河橋日暮亂山橫  
遙知鷓鴣侶思公切蚤望金門日計程  
嶺雲漠漠樹扶疏何日能將客思除兩岸飛花江上夢  
一船明月故人書才高快舉冲霄翮

恩重深慚得水魚贈別折梅不折柳香風吹拂上征裾  
河干夙夜凜惟寅此後懷思劇苦辛交到忘形方耐久  
情當遠別倍相親流光彈指如流水送客驚心恰送春  
省掖友朋勞問訊為言老更不如人

又五言古一首



笑指出山雲聚散原非偶  
宦跡似飄蓬勝會焉能久  
憶公持節來長橋迎四牡  
極目碧波寬驚心怒濤吼  
澤畔盡飛鴻哀嗷誰之咎  
擘畫仗羣賢憂勞煩我

后支派各東西疏濬分先後  
帆影與鞭絲日日河干走  
幾不遑寢食何暇滌塵垢  
往來無定期片時還聚首  
剪燭雪風寒殘梅映牕牖  
小酌數招尋辛盤雜黃韭  
坦直仰冲懷迂疏愧白叟  
雙鬢已鬢髮精力漸衰朽  
感公知我深相愛情偏厚  
今昔費討論疑義共分割  
善交久更真衆益虛能  
受譬若登高峯俯視皆培塿  
興酣一放歌

醉後同擊缶健筆掃千軍雄才擅八斗東施勉效顰自  
顧忘妍醜佳篇酬贈多攜歸懸座右對月時長吟愛之  
如瓊玖耄而宜進德良言何忍負贈詩有耄而進德修名遠句當茲  
功告成耕耘遍隴畝春流慶安瀾麥收占大有無計挽  
征軺河梁又分手依依送客情草草離筵酒前路正晴  
和鶯聲啼綠柳願生歡喜心隨時開笑口別後類參辰  
寂寞嗟老友日暮遠山橫回望相思否

和裘漫士少農途中即事韻

矍鑠徒誇尚據鞍笑看健翮入雲端採風自昔推

天使宅土還應讓地官  
旅館花殘歌暮雨  
平湖水落咏安瀾  
漫云老去歡情減  
每遇知心興自寬

鹿廐風塵未解鞭  
時看錦繡集毫端  
瀛池久識無雙士  
政府今推第一官  
花有真香原淡遠  
文從絕妙見波瀾  
流光轉眼秋將到  
珍重前途歲月寬

和裘漫士少農同劉延清冢宰登雲龍山之作

雨歇岡頭霽景殊  
青葱一望遍山隅  
登高共咏蘇公句  
回首難忘鄭俠圖  
出岫閒雲低傍塔  
隔橋流水細通湖  
僧房小憩煎茶後  
可有新詩題壁無

古今氣象望中殊有客同行野寺隅翠石蒼苔尋舊蹟  
亂峯斜照憶雄圖亭空不見山人鶴水涸猶稱西子湖  
山麓有小西湖片刻登臨應未遍使車能得再來無

和蘇東坡題黃茆岡韻

空亭遙枕亂石岡岡頭日暮下牛羊我來片刻坐僧床  
推窓雲樹何渺茫古人流風水共長望而不見勞遠望  
一曲高歌笑老狂

登雲龍山

扶筇緩步陟高岡詠懷古蹟感亡羊倦時小憩坐石床

平湖烟雨色蒼茫俯視黃流萬里長  
節宣無計答民望  
西風又向晚來狂

劉大家宰數疊前韻見贈走筆答謝

自昔彩鳳鳴高岡俯瞰培塿如羣羊  
詩滿行笥書滿床  
挑燈論古事茫茫笑我鬢髮白髮長  
畫策無能負所望  
時逢老友彌踈狂

賦贈裘少司農仍用前韻

憶君遠塞度重岡寒天落照見牛羊  
忽然風雨來聯床  
追思往事半微茫西窓剪燭引盃長  
無為老矣復何望

剩有狂奴故態狂

昨歲七夕德副憲賦詩見贈未及奉酬今又會晤  
彭城暫時聚首旋返白門感而成咏即用前韻

河上相逢兩白頭韶光過眼幾曾留經年別緒挑燈話  
萬里濤聲入夢流旅館花殘重把酒鵲橋月落記吟秋  
黃茆岡外斜陽影又喜招攜結伴遊

浮雲無意出山頭目送浮雲任去留自笑行踪如泛梗  
空嗟往事付東流年來酬唱多思友別後情懷易感秋  
紫閣青峯江上好星軺何處約同遊

途中即事仍用前韻

長途何事重回頭為問民艱一少留  
綠柳千行隨岸遠清溪幾曲抱村流  
雲飛隨處成甘雨麥熟同聲望有秋  
小艇揚帆波正穩恍疑人在鏡中遊

代大姪慶柱和孫范亭贈別韻

碧桃天上幾人攀只合歸田自掩關  
久矣無能成老圃年來有夢是青山  
行雲偶過停留少野鳥幽棲飲啄閒  
說到村居勞遠憶溪邊流水正潺湲  
葉落江頭樹漸黃迷津何處問仙航  
歸帆欲挂三秋雨

客况新添兩鬢霜，愛我多情斟別酒。酬君無句付奚囊，  
那堪轉眼人千里。又指柴門認故鄉。

六朝勝蹟徧躋攀，繫馬禪林喜叩關。紫閣同尋雲外寺，  
高峯更上雨中山。鐘殘燭暗三更話，榻短風清半日閒。  
猶記煎茶亭畔坐，松陰寂歷水潺湲。

佇看菊蕊鬪新黃，擬向秦淮泛小航。莫厭頻遊呼伴侶，  
應憐別去飽風霜。樗材自顧慚焦尾，錦字分投羨智囊。  
不是登程人意懶，離情戀戀水雲鄉。

新秋與孫范亭散步西園，屢荷招飲，仍用前韻。



西園日日喜追攀頗有林泉似故關  
遠寺常看雲罩塔  
方亭時對月銜山  
風吹古木秋聲早  
鳥弄斜陽倦羽閒  
淪把離歌三疊唱  
怕臨歧路淚潺湲

沿池柳色雜青黃  
不繫舟如一葉航  
最愛隨時雲作雨  
還嗟轉眼露為霜  
花能索笑同開口  
酒可消憂數解囊  
他日相思何處所  
伊人秋水望江鄉

和梅循齋總憲見贈

林泉樂意屬何人  
前輩風流自有真  
柏府尚留模楷在  
鵷班曾共笑言親  
溪邊竹樹環新徑  
江上漁樵識老臣

畫錦不知誇故里秦淮好占一園春

離離花影上苔磚爽氣初來草閣寒暇日招誰同嘯咏  
清秋容我暫盤桓雲深北闕心猶繫月滿東山夢自安  
萬翠叢中虬榦老九霄時有露華溥

初冬偕諸同事遊攝山和袁子才韻

羨君原是山中客偶為看山一出山既有閒情追雅會  
不登絕頂莫空還松依翠壁留殘照石枕寒流印綠斑  
漫說吾廬堪彷彿田園究竟在人間

桃花澗有非人間  
三字因子才誇清

涼山居之  
勝故云

到處臨風嘆絕勝扶筇緩步似山僧江迎曲檻開三面  
崖近高窻疊幾層儘關新奇誇未有莫將穿鑿當精能  
清泉汨汨須疏引指點源流示郡丞

近引白鹿泉水於  
春雨山房前停蓄

為池

曠觀亭畔望無窮峻極依稀接

紫宮過眼雲光時變幻隨風帆影各西東嵯峨渾似屏  
紛列屈曲常疑路不通共愛楓林霜葉晚終輸春暖碧  
桃紅

層峯已共攀藤上村酒還邀對月嘗詩到名山得句早

人逢舊雨引盃長桃源欲別心仍戀蓬島曾游夢未忘  
聞傍清涼結構好招攜可許步斜陽

再和素子才遊攝山韻

素愛名山如好友又攜好友賞名山不嫌絕磴穿林上  
每聽疎鐘踏月還朱履恰宜楓葉老

子才有一箇狂夫履獨紅句青

峯豈猷鬢毛斑自從識得天台路魂夢時時到此間

正怯登臨力不勝前途指引喜逢僧纔尋曲徑過三里  
已隔紅塵幾百層雲自無心呈異彩山寧有意効竒能  
若云光景如圖畫蒼秀應推是右丞

新搜勝蹟更無窮不數甘泉出漢宮

紫峯閣掘得新泉

靈沼乍

開高閣後清流徐引小橋東近同白鹿源相接遠有桃花澗可通拾得松枝頻煮茗長吟坐到夕陽紅

耽遊自昔稱同調趣味於今又共嘗陡壁遙看江岸小高峯東望海天長尋花問柳情難已築圃登場事豈忘

時將有皖江之行

此日別君還有約重來載酒及春陽

聞袁子才自棲霞歸於小桃源中種花鑿池欲與名山比勝請予題其齋曰小棲霞惜以政務勞形未暇過訪回憶柴門駐馬忽忽已三年矣仍用遊

攝山韻再賦四章以誌佳話並訂重遊

話山亭畔同君話記得時誇屋裏山分手人從高嶺散  
歸鞭馬踏暮雲還屐添野外青苔色衣帶宵來綠酒斑  
笑對妻孥說雅會移樽應在水中間

景欲全收美不勝蕭然渾是在家僧環階早種梅千本  
繞屋新栽竹幾層細領閒情無我今別開生面復誰能  
遙從不繫舟邊望華子岡頭有右丞

匠心經畫正無窮又欲標新擬梵宮紫閣高峯爭上下  
鷄鳴牛首任西東非關僻境人偏遠似隔塵寰路不通

只恐漁舟尋水入莫教流出落花紅

昔年繫馬柴門外曾煮清泉一坐嘗髮自添霜心未老  
山猶入夢興方長頻吟贈句高難和有約看花久不忘  
漫笑幽棲同野鶴梧桐依舊是朝陽

途次廬州與劉石菴學使相晤出遊攝山詩就正  
別後於桐城道中即用前韻奉寄

駐節南邦剛二載行旌想已遍千山曾來白下無歌咏  
空負高峯一往還翠壁半雕諸佛像蒼松猶帶六朝斑  
聽吟此日遊人句有夢應思水石間

舊雨重逢喜不勝笑談許似白頭僧

人謂予貌似老僧

獨叅妙

諦無多語已透禪關最上層彼岸同登原有意迷津欲渡竟無能是空是色誰心解摩詰名原屬右丞

疊出新詞意不窮春風猶記侍

離宮分題共坐靈巖畔珥筆還陪紫閣東幾次相呼良友助經年不厭尺書通何期旅館招尋處落葉紛飛繞砌紅

論文共剪西窓燭復向郇厨索酒嘗雲影何心來去速萍踪有恨別離長三更興懶詩難就兩世交深話豈忘



一自辭君行畫裏谿山又看米襄陽

別後道中遇雨雲山景象頗似米家

小憇五溪橋望華亭看山色和壁間鄂虛亭作

山從天半望駐馬傍村隈翠嶂何今古行雲自去來心  
清臨水坐閣小對峯開片刻塵囂遠披襟亦快哉

登高懷舊雨徙倚草亭隈野水分還合

衆流匯聚於此故名五溪征

鴻去不來長歌留我讀笑口向誰開印雪原如此青蓮  
安在哉

余與方問亭制府分袂熱河忽忽兩載今年六秩  
聞舉一子正值中秋侍宴之時問亭成詩四章依

韻和寄

燕樹重雲外佳音達遠郵喜聞蘭入夢恰值桂當秋戈  
印徵先兆桑弧卜大侯嵩生休恨晚甲子數從頭

節鉞

皇畿重承

恩甘載深為霖寰宇望匪懈老臣心燕樂陪魚藻賡歌  
叶舜琴咍咍聲正好雛鳳已鳴陰

未逢湯餅會恐錯弄麀書家瑞丁添戶鄉音喜溢閭傳  
經心自慰娛老事無餘婚嫁偏多累情牽或笑予

江千奔走客塵思日紛紛良會經年隔新詩遠地聞春  
回生意滿花豔晚香熏種玉今伊始藍田歲歲耘

和岳蕉園索茶

報書千里莫嫌遲寄得龍安第一枝消渴正宜詩就後  
解醒應在夢回時西山雪霽嵐光冷草閣梅開月影差  
別有情懷常脉脉不關苦茗沁清脾